



Daxmeh, Gou Siengj Doiq Mwngz Gangj

妈妈，我想对你说

贵港市覃塘区蒙公乡凌寺小学五(2)班 覃涵

Daxmeh, gou miz hauilai vah siengj doiq mwngz gangj, hoeng vah baez daengz henz bak youh mbouj rox gangj gijmaz ndei, seizneix gou couh ciq baez gihvei sij cozvwnz neix, dawz gij vah ndawsim gou lwnh mwngz nyi.

Mwngz lij geiq ndaej lwi? Miz

baez ndeu gaujsi gou gauj ndaej mbouj ndei, gou gig nanzgvaq, dang gou dawz sigienj hawj mwngz yawj seiz, mwngz mboujdanh mbouj bihbingz gou, vanzlij gujlij gou naeuz: "Saetbaih ndaej roxhit, saetbaih baez ndeu mbouj youqgaenj, youqgaenj dwg rox daj ndaw saetbaih bae ra yenzynh, mbouj doeknaiq, miz saenqsim bae haekfug gunnanz, daxmeh siengsaenq mwngz baezlaeng itdingh gauj ndaej ndei." Daxmeh, gij vah mwngz couh lumj rumzcin ci haeuj ndawsim gou, sawj gou caiq baez miz saenqsim, daxmeh, cingj mwngz cuengqsim,

baezlaeng gou itdingh mbouj hawj mwngz saetmuengh!

Daxmeh, mwh mbwn nit, mwngz cungj dwg hawj gou daenj ndaej raeujrubrub, cij cuengqsim hawj gou bae hagdangz, hoeng mwngz cungj dwg daenj gij buh mbangmbi' mbi bae guhhong, lienz doiq madfwngz hix sij mbouj ndaej cawx, song fwngz mwngz cungj deng gyaenj hoengz lo, hoeng mwngz coengzlaiz cungj mbouj gyangz saek sing. Daxmeh mwngz yienghneix mbaet gwn mbaet yungh, gou rox mwngz dwg vihliux gung gou doegsaw, hawj gou gwn ndaej ndei daenj ndaej

raeuj, hoeng mwngz hix aeu insik ndangdaej swheij ha!

Daxmeh, moix baez gou siengj bang mwngz guh di hong seiz, mwngz cungj dwg gangj gou lij iq, mbouj hawj gou guh, gou rox mwngz yienghneix guh dwg gvansim gou, lau gou baeg, hoeng gou gaenq ngoenz beij ngoenz majhung lo, miz di saehcingz gou gaenq rox guh lo, mwngz couh gaej yousim baenz lai lo.

Daxmeh, gou siengj doiq mwngz gangj, mwngz sinhoj lo, mwngz couh yietnaiq yietnaiq ba!

(指导老师: 郑振常)


Daxmeh Gaenxgyaek Gou

我勤劳的妈妈

贵港市覃塘区蒙公乡凌寺小学四(2) 覃伟皓

"Boux guhhong aeu gaenx guh bonj" coenz vah neix daxmeh gou gingciengz gangj, cungj swhsiengj neix gaenq caep maenh youq ndaw uk daxmeh gou.

Gyanghaet, daengngoenz lij caengz okdaej, daxmeh gou gaenq saeg gij buhvaq daengx ranz vunz liux lo, ngaizcaeux hix cawj cug lo. Gwn ngaizcaeux le, daxmeh youh ganjvaiq bae reih guhhong.



Gyangngoenz, mhwn lamzoo, daengngoenz lumj feiz ityiengh venj youq gwnz mbwn. Daxmeh daenj aen mauhdiemx youq ndaw reih guhhong, naedhanh lumj naedduh nei daj gwn naj doek roengzdaej, de cungj mhouj goq ut.

Gyanghaemh, roeglwg mbin haeuj rongz bae lo. Daxmeh daj ndaw reih ma daengz ranz, de mhouj yietnaiq saek yaep, youh nyaengq dwk cawj haeuxcaez, gueng mou gueng gaeq.

Mwh gou baenzbingh, daxmeh cungj dwg souj youq henz ndang gou ciuqgoq gou, cawj ngaiz feihhom hawj gou gwn.

Daxmeh gou mbouj lau sinhoj mbouj lau baeg, gaenxgaenx gyaekgyaek bae guhhong, de dwg boux daxmeh bingzciengz youh hungmbwk ndeu.

(指导老师: 杨金梅)



Miz duz roegga ndeu mbin bae mbin dauq, gamjdaengz baeg lo, de couh dingz youq gwnz ndaek rinlung ndaemndatndat ndeu yietnaiq. Sawqmwh, ndaek rin menhmenh doengh hwnjdaej, duz roegga gig geizheih, couh mbin hwnjdaej, baez yawj yienzlaiz dwg duz ma'ndaem.

Duz roegga nyaenx mbouj ndaej riu hwnjdaej: "Haha, gwnz seiqgyaiq baenzlawz miz duz doxgaiq baenzneix ndaemndatndat ne.....hahaha!" Gij sing riu roegga gingdoengh duzma lo, duzma ngiengx gyaenq baez yawj, yienzlaiz dwg duz roegga cingq youq gwnz ndang de riu mbouj dingz, riu dwk raemxda cungj conh lo, duzma gamjdaengz

gig geizheih, couh cam roegga naeuz: "Vei, mwngz riu gijmaz?" Seizneix, roegga riu ndaej engq haenq lo: "Mwngz baenzlawz maj ndaej baenzneix ndaem ha, couh lumj ndaek danq nei, yakyawj lai lo."

Duzma dingq le, ndawsim hix mingzbeig lo, de gamjdaengz ndei riu, hix riuhaha hwnjdaej. Duz roegga ngeiz lo, geizheih dwk cam: "Mwngz riu gijmaz, duz yakyawj."

"Aeya, mwngz dan yawjraen gou ndaem, yawjyawj mwngz swheij, youh beij gou hau geijlai ha." Duz roegga doeksaet dwk yawjyawj aenndang swheij, naj fwt hoengz lo.

(指导老师: 陆小媚)

De dwg doengzhag gou, bineix cibngeih bi, dwg boux dahsau iq ndeu. De byoem dinj ndaemndwt, song ceh da youh hung youh rongh, song diuz bwnda gungjetget. Youq ndaw ban, de dwg hagsib vejyenz, hagsib cingzciik gig ndei. Youq gwnz mingzdan gak cungj doxdax ndaej ciengj gwnzde, cungj ra ndaej raen aencoh de.

De guh gijmaz cungj gig ciensim, de daegbied gyaenz goq meijsuz, moix baez hwnj goq meijsuz, de cungj angq raixcaix, moix baez de guh gij cozbini haenx cungj beij dou guh ndaej ndei. Geiq ndaej miz baez ndeu, hwnj goq meijsuz, dou cingq guh cozbini, sawqmwh, bakdou gyaenziz yiengj lo, yenzlaiz dwg banhcujyin Lij lauxsae haeujdaej. "Hagsib vejyenz, cingj mwngz daej ndaw bangunhsiz mbat ndeu, bang lauxsae guh di saeh!" Hoeng, de cingq ciensim guh cozbini, mbouj dingqnyl lauxsae heuh. Gou

doiq de naeuz: "Vei, Lij lauxsae heuh mwngz ha!" De cij singj gvaqdaej.

De lij dwg boux doengzhag gig miz simgyaenz ndeu. Miz baez ndeu, dou vih gyoengq lwgnyez gungzhoj ndaw diegbya gien ngaenz, gij doengzhag wng cungj dwg gien 5 maenz 10 maenz, de gingqyienz gien le 100 maenz! Dou cam de: "Mwngz vih gijmaz gien baenzneix lai? Eiqsei eiqsei mbouj ndaej luma? Gyoengqde youh mbouj dwg vunzcaen mwngz!" Siengj mbouj daengz de gingqyienz aeng raemxda doiq dou gangj: "Gyoengqde yienznaeuz mbouj dwg

vunzcaen gou, hoeng gyoengqde caeuj raeuz cungj dwg lwgnyez, gyoengqde hix yaek doegsaw, hix aeu hag cihsiz, hix yaek lumj raeuz ityiengh miz aen ranz ndaej dangj rumz dangj fwn he ha!" Dou dingq le, cungj ngaem gyaenq roengzdaej, naj hoengz lo.

Mboujgvaq, de hix miz gietdiemj, lumj dwg lujlaj. Miz baez ndeu dou guh yijvwnz lienhguh, miz diuz daezmoeg ndeu: Cingj mwngz youq ndaw faenzcieng ra ok coenz nijyinz caeuj coenz beijlumj, coenz nijyinz yungh "~~~~~" veh okdaej, coenz beijlumj yungh "~~~~~" veh ok-

Doengzhag Gou

我的同学

贵港市覃塘区蒙公乡凌寺小学六(1)班 庾冰



daej. Daezmoeg gaenq gangj ndaej gig cingcuj, hoeng de vanzlij dwg aeu sienq van bae veh coenz beijlumj, aeu sienqsoh veh coenz nijyinz.

Daihgya itdingh gig siengj rox boux doengzhag neix dwg byawz, gizaed, de couhdwg Lingzsw Siujyoz roek nienzgaep it ban Cangh Danlingz.

(指导老师: 陆雪燕)